


清通禮

一二




			九	漢
		一	二	書
		〇	〇	門
		四	七	
一	一	〇	〇	類
六	三	四	七	
冊	架	函	號	

庫	文	閣	內
二	九		漢
九	二		書
〇	〇		
一	〇		
七	七		
冊	架	函	號

內閣文庫	
番號	漢 9207
冊數	16( 2)
函號	295 31

政書十四号

共十六本




大清通禮卷之一

吉禮

禮有五經莫重於祭

國家祀典孔明有大祀有中祀有羣祀殊事合敬。周禮所謂以吉禮事邦國之鬼神飛於是乎備焉謹詳其儀著於篇。

冬至大祀



圜丘之禮先祀期五日遣親王一人詣犧牲所恭代眠牲所牧豫設香案於庭中南向一東西向各一遣官補服太常寺贊禮郎二人前引詣香案前北面所牧立案右牧人牽牛羊過案前導以旗仗所牧跪告牲次東向眠鹿西向眠豕所牧跪告如前儀畢引由北門退

右眠牲

先三日昧爽太常寺進齋戒牌銅人設黃案於乾清門中門之左太常寺卿率所屬咸補服恭奉

齋戒牌在前銅人在後導以

御仗入自西長安門至

午門徹仗太常寺官十人前引由中道入進

太和門

中左門

後左門侍衛二人引至

乾清門階下太常寺官恭設於案齋戒牌南向銅人西向太常寺卿行一跪三叩禮退

皇帝致齋於大內頒

制辭於羣臣曰。某年月日冬至。朕恭祀

皇天上帝於

圜丘。惟爾羣臣。其蠲迺心。齊迺志。各揚其職。敢或不共。

國有常刑。欽哉。勿怠。文武衙署。恭書。

制辭於版。安奉正堂。自員外郎。騎都尉。以上。咸齋於

公署。

右齋戒

先二日。遣禮部尚書一人。詣犧牲所。省牲。如眠牲儀。

右省牲

是日。昧爽。太常寺司祝。恭送祝版於內閣。授中

書舍人。安奉潔室。敬書祝辭於版。畢。內閣典籍

豫設黃案於政事堂正中。舍人奉祝版。陳於案

南向。大學士詣案前立。北面。展祝文。敬書

御名。畢。舍人奉祝版。仍安潔室。俟翼日。授司祝。

右書祝版

祀前一日。子初刻。宰人豫鑿坎於宰牲亭外。牆

東。廣深二尺。太常寺官。設香案於宰牲亭外。光

祿寺卿一人朝服。太常寺贊禮郎二人前引。詣香案前。北面立。三上香。遂及御史二人。禮部祠祭司官二人。咸朝服。祗宰。宰人以鸞刀割牲。以豆取毛血。瘞於牆東之坎。

右祗割牲

是日五鼓。太常寺卿率屬潔齋。

壇上下。藉以稷薦。設

上帝神座於

園丘第一成。南向。

太祖高皇帝東配西向。

太宗文皇帝西配東向。次

世祖章皇帝東配西向。

聖祖仁皇帝西配東向。又次

世宗憲皇帝東配西向。

高宗純皇帝西配東向。又次

仁宗睿皇帝東配西向。

四從神於第三成。

大明東

大清通禮

卷一

四

夜明西。

北斗七星五星二十八宿周天星辰在

大明之次。

雲師。

雨師。

風伯。

雷師在

夜明之次均施青幄工部官張

皇帝拜次於第二成午階上張大次於外壝左門外

神路之東太常寺典簿陳牲俎於

神廚博士辨籩豆登鉶之實登以太羹鉶以和羹

簋以稻粱簋以黍稷籩以形鹽橐魚棗栗榛菱

芡鹿脯白餅黑餅糗餌粉養豆以韭菹醢醢菁

菹鹿醢芹菹兔醢筍菹魚醢脾析豚拍醢食糝

食以次展器於

神庫

右設

神座幄供張展牲器

九清通禮 卷一 五  
昧爽。太常寺設黃案於

太和殿中

御座之南。設香亭奉祝版亭於殿內左楹之東。設奉玉帛香亭於殿內右楹之西。太常寺贊禮讀祝各官具玉帛於篚。貯香於盤。祇俟。

太和門外。太常寺卿率屬贊事殿內。屆時太常寺

卿率欽天監博士二人至。

乾清門奏時。

皇帝龍袍袞服乘輿出宮前引後扈如常儀。

詳見嘉禮朝賀

儀至

太和殿北階降輿。

御殿立左楹前西向。記注官四人立殿右門外東面。

司祝自內閣奉祝版入。

太和門中門。玉帛香隨入前列提鑪。太常寺贊禮郎十人導引升中階。至丹陛上導引止。司祝奉祝版各官奉玉帛香進殿中門。以次陳於黃案。三叩退。太常寺卿展祝文贊禮郎布拜褥。

皇帝詣案前。次第恭閱畢。行一跪三拜禮。興復位立。

大清通禮 卷一  
太常寺卿韜祝版贊禮郎徹拜褥司祝各官進  
至案前三叩興恭奉祝版玉帛香依次設亭內  
三叩退司香官就香亭奉香合立於亭東司拜  
褥官布拜褥於香亭前退立司香之右太常寺  
卿二人恭導

皇帝至香亭前立司香跪進香

皇帝上香畢行一跪三拜禮興復位司拜褥官徹拜  
褥司香奉香合置亭內退鑾儀衛率校尉昇亭  
香亭在前祝版亭玉帛香亭以次由中道出前

引如儀太常寺卿跪奏禮成

皇帝乘輿還宮太常寺卿隨亭送

南郊安奉

神庫內是日徹

乾清門齋戒牌銅人恭送齋戒牌銅人於  
齋宮導引如儀

右閱祝版玉帛香

厥明步軍統領飭所部清蹕除道自

大清門至



西天門鑾儀衛官校陳設

大駕鹵簿前列導象四民尉二十有八人次寶象五  
民尉八十人雲麾使一人治儀正二人次靜鞭  
四民尉十有四人治儀正一人次前部大樂大  
銅角四小銅角四金口角四和聲署史十有二  
人次革輅駕馬四民尉三十有二人木輅駕馬  
六民尉三十有二人象輅駕馬八民尉三十有  
四人金輅駕象一民尉四十有四人玉輅駕象  
一民尉四十有四人雲麾使一人治儀正二人

次饒歌大樂金一銅鼓四銅鈸二扁鼓二銅點  
二龍筵平筵各二雲鑼二管二笙二金口角八  
大銅角十有六小銅角十有六蒙古角二金鈺  
四紅鐙二畫角二十有四龍鼓二十有四紅鐙  
二筵十有二拍板四仗鼓四金四龍鼓二十有  
四紅鐙二署史四十有八人民尉百八十有八  
人冠軍使一人整儀尉二人次引仗六

御仗十有六吾仗十有六立瓜卧瓜各十有六星  
鉞各十有六出警入蹕旗各一旗尉九十人民

尉六十有七人。五色金龍小旗四十。旗尉四十。有八人。民尉四十人。雲麾使一人。整儀尉二人。次。翠華旗二。金鼓旗二。門旗八。日月旗各一。五雲旗五。五雷旗五。八風旗八。甘雨旗四。民尉七十有二人。列宿旗二十有八。五星旗五。五嶽旗五。四瀆旗四。神武。朱雀。青龍。白虎。旗各一。民尉九十有二人。天馬。天鹿。辟邪。犀牛。赤熊。黃羆。白澤。角端。遊麟。彩獅。振鷺。鳴鳶。赤烏。華蟲。黃鵠。白雉。雲鶴。孔雀。儀鳳。翔鸞。旗各一。民尉四十人。五

色龍。纛四十。前鋒。纛八。護軍。纛八。驍騎。纛二十。有四旗。尉四十人。民尉百二十人。雲麾使二人。治儀正二人。整儀尉二人。次。黃麾四。儀鎧。斝四。金節四。進善。納言。敷文。振武。褒功。懷遠。行慶。施惠。明刑。弼教。教孝。表節。旌各二。民尉五十有六人。龍頭。旛四。豹尾。旛四。絳引。旛四。信。旛四。羽葆。幢四。霓。幢四。紫。幢四。長壽。幢四。民尉六十有四人。雲麾使二人。治儀正二人。整儀尉二人。次。鸞鳳。赤方。扇八。雉尾。扇八。孔雀。扇八。單龍。赤團。扇

八單龍黃團扇八雙龍赤團扇八雙龍黃團扇  
 八赤滿單龍團扇六黃滿雙龍團扇六壽字黃  
 扇八旗尉二十有四人民尉百二十有八人雲  
 麾使一人治儀正二人整儀尉二人次赤素方  
 繖四紫素方繖四五色花繖十五色粧緞繖十  
 間以五色九龍團繖十旗尉三十人民尉八十  
 有四人九龍黃蓋二十紫芝蓋二翠華蓋二九  
 龍曲柄黃蓋四旗尉三十人民尉八十有四人  
 鑾儀使一人雲麾使一人治儀正二人整儀尉

二人次戟四親軍八人及四親軍八人豹尾槍  
 三十護軍六十人弓矢三十儀刀三十親軍各  
 六十人雲麾使一人治儀正二人整儀尉四人  
 次仗馬十護軍二十人冠軍使雲麾使二人次  
 金方几一金交倚一金瓶二金盃盤一金盃一  
 金合二金鑪二拂二立夏陳列處暑收旗尉二十有二  
 人雲麾使一人治儀正二人次九龍曲柄黃華  
 蓋一執蓋武備院掌蓋司蓋四人前引佩刀大  
 臣十人提鑪二執鑪侍衛二人玉輦在中左右

奉輦鑾儀使二人扶輦冠軍使一人雲麾使一人治儀正二人整儀尉二人旗尉三十有六人後扈佩刀大臣二人豹尾班執槍佩儀刀侍衛各十人佩弓矢侍衛二十人領侍衛內大臣二人侍衛班領二人後管宗人府王公二人散秩大臣一人前鋒護軍統領一人給事中御史二人各部郎中員外郎四人侍衛班領一人署侍衛班領一人侍衛什長二人次黃龍大纛二領侍衛內大臣一人內大臣散秩大臣并用司纛侍衛什長

二人建纛親軍四人佩鳴螺親軍六人凡職事官均采服親軍護軍旗尉民尉各服其服辰刻不陪祀王以下公以上滿漢文武百官咸朝服會

闕下鴻臚寺序班序百官立位左翼官於

闕左門南西面右翼官於

闕右門南東面均重行北上恭候華蓋出

午門跪送巳刻太常寺卿赴

乾清門奏請詣

南郊齋宿。

皇帝龍袍袞服乘禮輿出至

太和門階下降輿。鑾儀衛進玉輦。掌鑾儀衛內大

臣一人跪奏請升輦。鑾儀使二人奉輦扶輦官

四人納陛於輦前正中

陛凡五級。

皇帝升輦。駕士三十六人舉輦。

駕發警蹕。鑾儀使二人率官校夾輦而趨。

午門鳴鐘鼓。導迎樂前引不作。

駕出午門。百官跪送前引大臣十人。後扈大臣二人

暨侍衛扈從諸臣親軍護軍旗尉民尉咸乘馬。

由正陽門至

西天門。

御道左右塗巷皆設布障。護軍統領率叅領以下

護軍校步軍統領率叅將以下步軍校按班立

於障外。咸辟除。清蹕所至不得謹譁。

右鑾輿出宮

駕至

南郊由外垣西門入至

昭亨門外

神路西。掌鑾儀衛內大臣一人。跪奏請降輦。鑾儀使奉輦。扶輦官納陛於輦前。如前儀。

皇帝降輦。前引大臣十人。右贊引。左對引。太常寺卿二人。恭導。

皇帝由外壝南左門入。至

皇穹宇。詣

上帝香案前立。司香太常寺少卿一人。跪進香。

皇帝跪受香。拱舉。仍授司香。興。三上香。畢。以次詣

列聖香案前。上香。如儀。贊禮郎布拜褥。

皇帝行三跪九拜禮。兩廡

從位。遣分獻官。上香行禮。

皇帝詣

圜丘。陟午階第一成。恭胝

上帝位

列聖配位。贊引官以次跪奏。畢。暨對引官。恭導

皇帝闋胝。籩豆牲牢。贊引跪奏。如前儀。畢。如閒遇遣

獻官分  
請省胝。

皇帝由內壇南左門出。至外壇左門外。

神路西升輦。如乘禮輿至齋宮。則輦仍設詣。

齋宮陪祀王公百官采服。分班祇候。

齋宮門外。

皇帝降輦。升禮輿入。

齋宮。迺退均隨。

壇齋宿。是夜嚴更宿衛。警蹕環巡。

右眠位。眠牲器齋宿。

將事之夕。夜分。太常寺卿率官屬入。

壇。然蠟炬。明金鐙。積柴。加燔牛於上。實以香。具器陳於

案。各以其序。登居中。簋左。籩右。邊從簋。豆從籩。

俎在案前。第一成。

上帝幄內。犢一。登一。簋二。籩二。邊十有二。豆十有二。金

鑪一。青鐙二。金鐙四。鑪瓶五事。爵墊一。

列聖幄內。皆犢一。登一。簋二。籩二。邊十有二。豆十有二。

金鑪一。青鐙。金鐙。各二。爵墊一。幄南中設一案。

少西。北向。供祝版。東設一案。西向。陳蒼璧一。郊

祀制帛十有二。青色奉先制帛四。白色香盤五。尊五。

匏爵十有五。壺一。爵一。實福酒。盤一。實胙肉。西設一案。東向。陳奉先制帛三。白。色。香盤三。尊三。匏爵九。凡牲。陳於俎。凡玉帛。實於篚。凡尊。實酒。承以舟。疏布。冪。勺具。第二成。

大明。

夜明。幄內。皆牛一。登一。簋二。籩二。邊十。豆十。琖二十。鑪一。鐙四。各設一案。陳禮神制帛一。色。一。赤。尊。一。白。爵三。香盤一。俎。篚。冪。勺具。

星辰。

雲雨風雷。幄內。皆牛一。羊一。豕一。登一。鉶二。簋二。籩二。邊十。豆十。琖二十。鑪一。鐙四。各設一案。一陳禮神制帛十有一。青。黃。赤。黑。各一。白七。一陳禮神制帛四。青。黃。黑。各一。白。爵三。香盤一。俎。篚。冪。勺具。鑿儀。衛冠軍使。設洗於外壝。左門外。大次。樂部率太常寺協律郎。設中和韶樂於三成階下。金罇鐘一。編鐘十有六。在東。玉特磬一。編磬十有六。在西。皆縣以虞業。東。應鼓一。祝一。麾一。西。敔一。東。西。分列。琴十。瑟四。簫十。篴六。篪六。排簫二。塤二。



笙十。搏拊二。旌二。節二。干戚羽籥各六十有四。  
凡樂作止舞進退均協律郎執麾引之。

右陳設

陳設畢。禮部侍郎一人。由西階升第一成。

壇上。太常寺博士前引。詣

上帝位前。省。眡玉帛。齋盛。及籩豆登俎之實。以次詣  
列聖位前。省。齋畢。仍由西階降。至第二成。

四從位前。周。眡如儀。

右省齋

辨行禮位。第一成午階上。爲讀祝受福胙。

皇帝拜位。第二成黃幄次。爲

皇帝行禮拜位。北向。第三成階上。爲陪祀王。貝勒。拜  
位。階下。爲貝子。公。拜位。均北面。左翼。東階西上。  
右翼。西階東上。庭中夾

神道東西。爲分獻官拜位。外壝門外。爲陪祀百官  
拜位。文五品。武四品官以上。東西各五班。皆北  
面。重行異等。東位西上。西位東上。辨執事位。第  
一成。太常寺官二人。分立午階上。

皇帝拜位前一司拜牌西面一司拜褥東面司祝一人立祝案西東面司香五人司玉帛一人司帛四人司爵五人序立東案之東西面司香三人司帛三人司爵三人序立西案之西東面光祿寺卿二人立東司香之後西面侍衛二人立西司香之後太常寺贊賜福胙一人立西司爵之次東面侍儀禮部尙書一人侍郎一人立東案之南西面都察院左都御史一人副都御史一人樂部典樂一人立西案之南東面均北上第一人

二成司拜牌拜褥官各一人分立黃幄次東西與第一成午階同太常寺典儀一人立於東階西面第三成階上引王貝勒行禮鴻臚寺官二人糾儀御史四人禮部祠祭司官四人分立拜位左右均東西面第三成階下記注官四人立於

神道之西東面引貝子公行禮鴻臚寺官二人分立拜位左右東西面司樂協律郎樂工序序立東西樂縣之次北面歌工立樂工之次樂舞生文

武八佾分行序立。東在歌工之左，西在歌工之右。皆東列，西上。西列，東上。外壝門外，糾儀、御史二人，禮部祠祭司官二人，立於從祀。百官東班之東，御史二人，禮部祠祭司官二人，立於從祀。百官西班之西，鴻臚寺序班東西各一人，立於糾儀官之次。稍後，太常寺傳贊四人，二人循內壝牆立，二人循外壝牆立。掌燎官一人，率燎人立燎鑪之東南隅。

右辨位

祀日，日出前七刻，司祝詣

神庫祝版案前，上香，行一跪三叩禮。恭奉祝版至壇，安於祝案，跪叩如初。退，禮部尚書率太常寺卿屬恭

請

神位，鑾儀衛冠軍使二人，率校尉豫設龍亭一於

皇穹宇階下，正中南向。又設龍亭七於左右，稍後均南

向。又設龍亭四於南，東西向。至時，太常寺官啓

神龕，禮部尚書詣

皇穹宇各香案前，三上香，退，出門檻外，行三跪九叩禮。

太常寺卿率屬分詣

皇穹宇及兩廡各行一跪三叩禮先請

四從神位奉至丹墀東西向次請

列聖神位於殿內東西向俟請

上帝神位南向先行迺奉

列聖神位以從既出殿奉

四從神位以從依序奉安於龍亭內各行一跪三叩

禮校尉昇亭太常寺官十人前引禮部尚書從

由

園丘北門入至午階亭止

上帝居中

列聖左右稍後均南向

從位再後東西向太常寺官詣各亭前跪三叩興恭

請

上帝

列聖神位升午階詣第一成

四從神位升東西階詣第二成以次奉安於

神座各行一跪三叩禮退

右請

神位

太常寺卿赴

齋宮奏時日出前七刻請

駕詣

壇行禮

皇帝御祭服乘禮輿出

齋宮鑾儀使進玉輦

如乘禮輿則輦仍設於

齋宮門外掌鑾儀衛內大臣一人奏請

皇帝升輦納陛奉輦如前儀鑾儀衛校鳴

齋宮鐘太常寺導駕官二人前引大臣十人提鑪

官執鐙官左右列行後扈大臣二人及侍衛從

恭導

皇帝至外壇南門外

神路西掌鑾儀衛內大臣一人奏請

皇帝降輦納陛扶輦如前儀導駕官退右贊引左對

引太常寺卿二人恭導

皇帝詣大次少俟太常寺贊禮郎引分獻官於外壇

右門外序立。鴻臚寺官引陪祀王公於外壝門外侍衛後。百官於行禮位後。按翼東西序立。祇候。太常寺卿告奉安。

神位畢。奏請行禮。

皇帝出大次。鑾儀衛雲麾使二人。跪奉盥。冠軍使一人。跪奉帨巾。盥畢。司拜褥官。豫布拜褥於第二成。拜次退。贊引對引官恭導。

皇帝由外壝南左門入。升午階。就第二成拜位。北向立。司拜牌官安拜牌。退。侍衛至內壝門外。前引。

大臣執鑪。鑿官至三成階下。均止立。後扈大臣。

隨侍。凡升壇隨侍均同。太常寺贊禮郎引分獻官入。

內壝右門。至分獻拜位立。鴻臚寺官引諸王。貝

勒。貝子。公文武百官。均就拜位。北面序立。典儀

贊樂舞生登歌。執事官各共迺職。武舞執干戚。

進。贊引奏就位。

皇帝就拜位立。

右就次盥洗就位。

皇帝既就位。典儀贊燔柴迎。

帝神。迺燔柴。司香各奉香盤。由案南東西相向行。至左

右幄前止立。司樂贊舉迎。

帝神樂。奏始平之章。辭曰。欽承純祐兮於昭有融。時維

永清兮四海攸同。輸忱元祀兮從律調風。穆將

景福兮迺眷微躬。淵思高厚兮期亮天工。聿章

彝序兮夙夜宣通。雲輶延佇兮鸞輅空濛。翠旗

紛裊兮列缺豐隆。肅始和暢兮恭仰蒼穹。百靈

祇衛兮齋明辟公。

神來燕娛兮惟

帝時聽。協昭慈惠兮。迺鑒臣衷。協律郎舉麾。工鼓祝樂

作司

上帝香一人。由左而北。司

列聖香東位四人。從西位三人。由右而北。以次進至各

神案前。恭俟。司拜牌官起拜牌。凡升壇皆贊引

奏升

壇暨對引官。恭導

皇帝升第一成上。對引官至祝案前止立。凡升壇行禮。

皆贊引恭導

皇帝詣

上帝香案前。司香跪贊引奏跪。

皇帝跪奏上香。司香進香。

皇帝上炷香。次三上瓣香。興。以次詣

列聖香案前。上香儀同。贊引奏復位。暨對引官恭導

皇帝復第二成拜位立。司拜牌官安拜牌。凡復位則安拜牌後

同贊引奏跪拜興。

皇帝行三跪九拜禮。傳贊贊跪叩興。王公百官均隨

行禮。凡眾官行禮皆傳贊後同。協律郎偃麾工夏鼓樂止。凡

以舉麾鼓祝作。以偃麾夏鼓止。後同。

右燔柴迎

神

典儀贊奠玉帛。左司玉帛官暨司帛官由東案

奉篚。右司帛官由西案奉篚。以次進至

神案前。恭埃如奉香儀。司樂贊舉奠玉帛。樂奏景平之

章。辭曰。靈旗爰止。兮樂在縣。執事有恪。兮奉玉

筵。聿昭誠敬。兮駿奔前。嘉玉量幣。兮相後先。來

格洋洋。兮思儼然。臣忱翼翼。兮告中虔。樂作贊



壇恭導

皇帝升第一成詣

上帝位前立。司玉帛官跪。贊引奏跪。

皇帝跪。奏獻玉帛。司玉帛官進篚。

皇帝受篚。拱舉奠於案。興。以次詣

列聖位前。司帛官跪。進篚。

皇帝受篚。奠帛。儀同。贊引奏復位。恭導

皇帝復第一成拜位立。樂止。

右奠玉帛

皇帝既奠玉帛。典儀贊進。俎。司拜牌官起拜牌。退。贊

引對引。恭導

皇帝轉立拜位。東旁。西向。司拜褥官起拜褥。太常寺

官引分獻官。鴻臚寺官引王公。各退避。東西面

立。有司貯羹於壺。恭執。太常寺官二人引至

壇階下止立。執壺官升午階。以次登

壇。過幄次。仍布拜褥。恭導

皇帝復位。王公及分獻官皆引復位。執壺官詣

上帝

列聖位前。跪拱舉興。以羹沃俎者三。退由西階降。司樂

贊舉進俎樂。奏咸平之章。辭曰。吉蠲為饗。兮肅

豆籩。升肴列俎。兮敢弗虔。毛魚繭栗。兮薦膏鮮

致潔陶匏。兮香水泉。願垂降鑒。兮駐雲駢。錫嘉

福兮億萬斯年。樂作。贊引奏升。或曰。或曰。或曰。或曰。

壇恭導

皇帝升第一成。詣

上帝位前立。贊引奏跪。

皇帝跪。奏進俎。

皇帝拱舉進俎。興。以次詣

列聖位前。進俎。儀同。贊引奏復位。恭導

皇帝復第二成。拜位立。樂止。

右進俎

典儀贊行初獻禮。有司揭尊罍。勺挹酒。實爵。左

右司爵執爵。以次進至各

神案前。恭俟。如奉香儀。司樂贊舉初獻樂。奏壽平之章

辭曰。玉聲肅陳。兮明光。桂漿初醞。兮信芳。臣心

迪惠兮奉觴醴齊載德兮馨香靈茲微眷兮商  
皇勤仰止兮斯徜徉樂作司樂舉節舞干戚之  
舞凡舞以節領之贊引奏升  
道引進退後同

壇恭導

皇帝詣第一成

上帝位前立司爵跪贊引奏跪。

皇帝跪奏獻爵司爵進爵。

皇帝受爵奠於墊中興第一成司拜牌拜褥官布拜  
褥安拜牌贊引奏詣讀祝位。

皇帝詣讀祝拜位立司祝至祝案前跪三叩興奉祝

版跪案左樂暫止贊引奏跪。

皇帝跪羣臣皆跪贊引贊讀祝司祝讀祝辭曰維某

年月日嗣天子臣御名敢昭告於

皇天上帝曰時維冬至六氣資始敬遵典禮謹率臣僚

以玉帛犧齊齋盛庶品備此禋燎祇祀於

上帝奉

太祖承天廣運聖德神功肇紀立極仁孝睿武端毅欽

安弘文定業高皇帝

太宗應天興國弘德彰武寬溫仁聖睿孝敬敏昭定隆  
道顯功文皇帝

世祖體天隆運定統建極英睿欽文顯武大德弘功至  
仁純孝章皇帝

聖祖合天弘運文武睿哲恭儉寬裕孝敬誠信中和功  
德大成仁皇帝

世宗敬天昌運建中表正文武英明寬仁信毅睿聖大  
孝至誠憲皇帝

高宗法天隆運至誠先覺體元立極敷文奮武欽明孝

慈神聖純皇帝

仁宗受天興運敷化綏猷崇文經武孝恭勤儉端敏英  
哲睿皇帝配尚

饗讀畢興奉祝版跪安

上帝位前篚內三叩興退樂作贊引奏拜興

皇帝率羣臣行三拜禮興起拜褥徹拜牌贊引恭導

詣

列聖位前以次獻爵儀同贊禮郎引

從位分獻官由東西階升詣各

神位前。上香。獻帛。獻爵。畢。贊引奏復位。恭導

皇帝復第二成拜位立。分獻官咸降階退。各復拜位立。樂止。武功之舞退。文舞執羽籥進。

右初獻讀祝

典儀贊行亞獻禮。司爵執爵以進。司樂贊舉亞獻樂。奏嘉平之章。辭曰。考鐘拂舞兮再進。瑤觴翼翼昭事兮次第肅將。睟顏容與兮蒼几輝煌。穆穆居歆兮和氣洋洋。生民望澤兮仰睨玉房。榮泉瑞露兮慶無疆。樂作舞羽籥之舞。贊引奏

升

壇。恭導

皇帝升第一成。以次奠爵於左。儀如初獻。贊引奏復

皇帝位。恭導

皇帝復第二成拜位立。樂止。

右亞獻

典儀贊行終獻禮。司爵執爵以進。司樂贊舉終獻樂。奏永平之章。辭曰。終獻兮玉斝清。肅秬鬯兮薦和羹。磬管鏘鏘兮祀孔明。旨酒盈盈兮勿

替思成。明命顧諟。兮福羣生。八龍蜿蜒兮苞羽

和鳴。樂作。舞與亞贊引奏升。

壇恭導

皇帝升第一成。以次奠爵於右。儀如亞獻。贊引奏復

皇帝位。恭導

皇帝復第二成。拜位立。每獻。分獻官詣

從位獻爵。升降均如初。樂止。文德之舞退。

右終獻

既終獻。贊禮郎一人詣祝案前。東面立。贊

賜福胙。光祿寺卿就東案奉福胙。至

上帝位前。拱舉。布拜褥。安拜牌。如讀祝儀。贊引奏詣飲

福受胙位。恭導

皇帝詣第一成。飲福受胙位立。光祿寺卿二人奉福

胙。祇立

皇帝拜位之右。侍衛二人進立於左。贊引奏跪。

皇帝跪。左右官咸跪。奏飲福酒。右官進福酒。

皇帝受爵。拱舉。授左官。奏受胙。右官進胙。

皇帝受胙。拱舉。授左官。贊引奏拜興。

皇帝三拜。興贊引奏復位。恭導

皇帝復第二成拜位立。贊引奏跪拜興。

皇帝率羣臣行三跪九拜禮。典儀贊徹饌。司樂贊舉

徹饌樂。奏熙平之章。辭曰。一陽復兮協氣伸。盥

薦畢兮精白陳。旋廢徹兮敢逡巡。禮將成兮樂

欣欣。瞻九閭兮轉洪鈞。福施下逮兮佑此人民

樂作。司玉帛官請

上帝位前跪叩。興奉蒼璧以退。樂止。

右受福胙徹饌

典儀贊送

帝神司樂贊舉送

帝神樂奏清平之章。辭曰。升中告成兮晻霽壇場。穆思

迴盼兮雲駕洋洋。臣求時惠兮感思馨香。願蒙

博產兮多士思皇。天施地育兮百穀蕃昌。殖我

嘉師兮正直平康。樂作。贊引奏跪拜興。

皇帝行三跪九拜禮。王公百官均隨行禮。興樂止。

右送

神

典儀贊奉祝帛饌恭送燎位司祝司帛詣

神位前咸跪司祝奉祝司帛奉篚皆三叩興司香跪奉

香司爵跪奉饌興以次恭送燎所

皇帝轉立拜位東旁西向

起拜褥分獻官王公避立如進俎時

俟祝帛

過仍布拜褥

皇帝復位立

從位香帛饌仍由東西階降送內壝東西門外燎所

典儀贊望燎司樂贊舉望燎樂奏太平之章辭

曰隆儀告備兮誠既將有虔秉火兮炳越芳雷

車電邁兮九龍驤紫氛四塞兮靈旗揚烝民蒙

福兮順五常惟予小子兮敬戒永臧樂作贊引

奏詣望燎位

豫布拜褥恭導

皇帝由內壝南左門出詣望燎位望燎分獻官各詣

東西門外望燎贊引奏禮成恭導

皇帝入大次樂止

右望燎

大祀禮成鑾儀衛冠軍使率校尉設龍亭一於

園丘午階下正中龍亭七於左右稍後均南向龍亭四



於兩旁東西向太常寺卿率屬升

壇詣各

神位前跪三叩興恭請安奉亭內跪叩如初鑾儀校舁

亭依次行至

皇穹宇

上帝居中

列聖左右均北向

從位東西相向以次復

御禮部尙書上香行禮儀並與請

神同

右

神位還御

皇帝既還大次更衣至外壝

神路西乘禮輿出

昭亨門外

大駕鹵簿前導和聲署官贊奏樂導迎樂作奏祐平

之章辭曰崇德殷薦升燎告虔惟

聖能饗至誠

天眷駕六龍臨紫煙。

佑命申圖籙綿前部大樂畢舉。

皇帝回鑾王公從各官以次退不陪祀王公百官仍

朝服集

午門外跪迎。

午門鳴鐘樂止王公隨

駕入至內金水橋恭候

皇帝還宮皆退太常寺官徹

齋宮齋戒牌銅人送寺

右回鑾。

孟春上辛。

祈穀之禮。

凡上辛後則用次辛。在次辛後則用下辛。祈穀以正月之上辛若立春在先

祀期五日遣親王一人詣犧牲所恭代眠牲如

圓丘儀。

右眠牲

先三日。

皇帝齋於大內齋宮王公百官各齋於次儀與冬至

大祀同誓戒

制辭曰某年月日上辛朕恭祀

上帝於

祈年殿為民祈穀惟爾羣臣其蠲迺心齊迺志各揚其

職敢或不共國有常刑欽哉勿怠書版恭奉齋次

如式

右齋戒

省牲

書祝版

眡割牲

儀均與冬至大祀同

祀前一日五鼓太常寺卿率屬潔蠲

祈年殿藉以櫻薦設

上帝神座於殿中南向設

列聖神座於左右東西向所司張大次於

祈年門外

神路之東陳牲俎於

神廚展祭器於

神庫如式

右設

神座供張展牲器

味爽。

皇帝御太和殿。閱祝版。玉帛香。儀與冬至大祀同。

右闕祝版。玉帛香。

厥明。步軍統領飭所部清蹕。鑾儀衛陳設。

大駕鹵簿於

午門外。陳玉輦於

太和門階下。諸司各共其事。巳刻。

皇帝龍袍衮服。乘輿出宮。至

太和門階下。降輿。鑾儀使扶輦納陛。

皇帝升輦。警蹕導從。

午門鳴鐘鼓。不陪祀。王公百官朝服跪送。並如大

祀。

園丘之儀。

右鑾輿出宮。

駕詣

南郊。至

西天門內南甌城門外之南。

神路西降輦。奉輦納陛。如前儀。前引大臣贊引對  
引太常寺卿恭導。

皇帝由甌城左門。

祈年左門入詣

皇乾殿

神位前。上香。行禮。次詣

祈年殿。恭眠

壇位畢。眠籩豆牲牢。並同大祀儀。畢。仍由

祈年左門出升輦。

如乘禮輿至  
齋宮。則輦仍設。

齋宮。陪祀王公百官采服。分班祇立。  
齋宮門外。俟

皇帝降輦。乘輿入宮。迺退。

右眠位。眠牲器齋宿

將事之夕。夜分。太常寺卿率屬入

壇。然炬明鐙。積柴。加燔牛於上。具器陳辨。籩簋籩豆。登

俎之序。陳三案。一設殿中。少西。供祝版。一東次

西向。一西次。東向。分奠玉帛。香尊。爵壺。盤。福胙

惟

上帝前用告祀青帛一。餘儀均與。

圜丘大祀同。鑾儀衛設洗於南甌城門外之南。

神路東。大次樂部。率太常寺協律郎。設中和韶樂於丹陛上。分東西縣。陳樂舞於樂縣之次。五鼓太常寺博士。引禮部侍郎升西階。入殿右門。恭省玉帛。齎盛。如大祀儀。

右陳設省齎。

辨行禮位殿南正中爲

皇帝拜位其前爲讀祝受福胙位北向。丹陛東西爲

諸王。良勒。貝子。公。陪祀拜位。左翼東階西上。右翼西階東上。丹墀內東西爲陪祀百官拜位。文員外郎。武騎都尉以上。東西各五班。東位西上。西位東上。重行異等。皆北面。辨執事位。太常寺司拜牌。拜褥官一人。分立門內。

皇帝拜位左右。東西面。司祝一人。立祝案西。東面。司香。司玉帛。司帛。司爵。贊賜福胙官。奉福胙。光祿寺卿。接福胙。侍衛。侍儀。禮部尙書。侍郎。都察院左都御史。副都御史。樂部典樂。序立東西案之

次東西面。太常寺典儀一人立東檐下。西面。司樂協律郎樂工歌工舞佾序立丹陛上。東西樂縣之次。北面。鴻臚寺鳴贊二人分立東西陛石欄前。東西面。記注官四人立西階下。東面。引禮鴻臚寺序班四人糾儀。御史四人。禮部祠祭司官四人分立從祀王公百官拜位左右。均東西面。掌燎官率燎人立燎鑪之東南隅。並如西

圜丘儀

右辨位

祀日日出前七刻。司祝恭奉祝版至

祈年殿。安於祝案。如式。鑾儀衛官校。豫設龍亭一。於

皇乾殿階下正中。又設龍亭七。於左右。稍後。均南向。太

常寺官啓

神龕。禮部尚書。上香行禮。太常寺卿率屬恭請

上帝神位。

列聖神位。奉安龍亭內。前引。後從。昇行。至

祈年殿階下。亭止。依序如初。南向。太常寺官詣亭前。恭

請

神位。以次升中階。入殿中門。奉安各

神座。一跪。三叩。並如

皇穹宇奉請之儀。

神位。右請

神位

太常寺卿赴

齋宮。奏請詣

祈年殿。

皇帝御祭服。乘輿。鑾儀衛進玉輦於

齋宮門外。納陛。奉輦。如乘禮輿。則輦仍設。

皇帝升輦。鳴鐘。前列鑪。鐙。導從扈衛。如常儀。至甌城

門外

神路西。鑾儀衛納陛。奉輦。如初。

皇帝降輦。詣大次。少俟。陪祀王公於

祈年門外。百官於丹墀。按翼東西序立。祇候。太常寺

卿告奉安

神位畢。奏請行禮

皇帝出次。鑾儀衛官跪。奉盥。奉巾。如儀。盥畢。司拜褥



官。豫布拜褥於殿內拜位。贊引對引。恭導

皇帝由甌城左門。

祈年左門入。升東階。進殿東門。就拜位。北向立。執鑪

鐙官。止東階下。夾階左右立。侍衛退至東西隅

僉立。前引大臣止檐下。東西侍立。後扈大臣隨

侍。鴻臚寺官引王公百官。均就拜位。序立。典儀

贊樂舞生登歌。執事官各共迺職。武舞執干戚

進。贊引奏就位。司拜牌官跪安拜牌於拜褥。退

右就次盥洗就位。

典儀贊燔柴迎

帝神。左右司香奉香盤進。如祀

圜丘之儀。司樂贊舉迎

帝神樂。凡儀節皆典儀贊舉樂皆司樂贊並詳冬日至大祀儀奏祈平之章。辭曰

帝篤祐民兮求莫匪舒。小民何依兮飲食維需。莫嘉於

穀兮萬事權輿。為民請命兮豈非在予。日用辛

兮百辟趨。暉將出兮東風徐。惟予小子兮敬盥

陳孚。皇皇龍駕兮穆將愉。樂作

皇帝詣

上帝位前跪。上香。次詣

列聖配位前跪。上香。畢。興。復位。率羣臣行三跪九拜禮。

樂止。

凡行禮進退皆贊皆引陪祀官隨行禮皆傳贊詳見冬日至大祀儀

右燔柴迎

神

迺奠玉帛。舉奠玉帛樂。奏綏平之章。辭曰。念茲

稼穡。兮惟民天。農用八政。兮食為先。雨暘時若

兮玉燭全。立我烝民。兮迄用康年。仰三無私兮

昭事虔。奉璋承帛兮。慄若臨淵。樂作。司玉帛奉

玉帛。司帛奉帛進。如奉香儀。以次至各案前跪。

皇帝詣

上帝位前跪。奠玉帛。以次詣

列聖位前跪。奠帛。畢。興。復位。樂止。

右奠玉帛

迺進俎。舉進俎樂。奏萬平之章。辭曰。鼎烹兮苾

芬。嘉薦兮無文。升繭栗兮惟惇。羶薌達兮干雲

昭民力兮普存。惟明德兮馨聞。樂作。有司執壺

羹。自中階升。進殿內沃俎。如

圜丘儀。

皇帝詣

上帝位前。以次詣

列聖位前。跪進俎。興復位。樂止。

右進俎

行初獻禮。舉初獻樂。奏寶平之章。辭曰。初獻兮

元酒盈。致純潔兮。儲精誠。瑟黃流兮。疊承酌其

中兮。外清明。儼對越兮。維清。

帝心歆假兮。綏我思成。樂作舞干戚之舞。

皇帝詣

上帝位前。司爵跪奉爵。

凡司爵奉爵皆豫至各神案前恭俟如奉香儀後仿此。

皇帝跪獻爵奠於墊中。興退。詣讀祝拜位立。司祝至

祝案前。跪三叩興。奉祝版跪案左。樂暫止。

皇帝跪。羣臣皆跪。司祝讀祝。辭曰。維某年月日。嗣天

子<sub>臣</sub>御名敢昭告於

皇天上帝曰。<sub>臣</sub>仰承

眷命。撫育萬方。念切民生。亟圖康乂。茲者候屆上辛。春

耕將舉。爰摠誠悃。上迓

洪庥謹率臣僚以玉帛牲醴粢盛庶品恭祀

上帝伏祈

昭鑒時若雨暘俾百穀用成三農攸賴奉

太祖承天廣運聖德神功肇紀立極仁孝睿武端毅欽

安弭文定業高皇帝

太宗應天興國弭德彰武寬溫仁聖睿孝敬敏昭定隆

道顯功文皇帝

世祖體天隆運定統建極英睿欽文顯武大德弭功至

仁純孝章皇帝

聖祖合天弭運文武睿哲恭儉寬裕孝敬誠信中和功

德大成仁皇帝

世宗敬天昌運建中表正文武英明寬仁信毅睿聖大

孝至誠憲皇帝

高宗法天隆運至誠先覺體元立極敷文奮武欽明孝

慈神聖純皇帝

仁宗受天興運敷化綏猷崇文經武孝恭勤儉端敏英

哲睿皇帝侑

神尚

饗讀畢。興奉祝版。安於帛篚內。跪叩如初。退。樂作。

皇帝率羣臣行三拜禮。興。以次詣

列聖位前。跪獻爵。儀同。興復位。樂止。武功之舞退。文舞

執羽籥進。

右初獻讀祝

行亞獻禮。舉亞獻樂。奏穰平之章。辭曰。犧尊啓

兮告虔。清醑既馨兮陳前。禮再獻兮祠筵。光煜

燭兮非煙。

神悅懌兮優然。惠我嘉生兮大有年。樂作。舞羽籥之舞。

皇帝詣

上帝位前。以次詣

列聖位前。跪奠爵於左。如初獻儀。興復位。樂止。

右亞獻

行終獻禮。舉終獻樂。奏瑞平之章。辭曰。終獻兮

奉明粢。苾芬嘉旨兮清醴既醴。

神其術兮錫祉。禮成於三兮陳辭。願灑餘瀝兮沐羣黎。

臣拜手兮青墀。樂作。

舞同亞獻

皇帝詣

上帝位前。以次詣

列聖位前。跪奠爵於右。如亞獻儀。興復位。樂止。文德之

舞退。

右終獻

既終獻。太常寺官贊

賜福胙

皇帝詣受福胙位。飲福受胙。如

圜丘儀。三拜。興復位。率羣臣行三跪九拜禮。迺徹饌。舉

徹饌樂。奏渥平之章。辭曰。俎豆具陳兮庶品宜

胙饗昭鑒兮荷

帝慈饌告備兮玉几登歌洋溢兮廢徹不遲肅微忱兮

告終事

上帝居歆兮錫純禧樂作有司詣

上帝位前跪叩興奉蒼璧退樂止

右受福胙徹饌

迺送

帝神舉送

帝神樂奏滋平之章辭曰祇奉

天威兮弗敢康。小心翼翼兮昭穹蒼。雲垂九天兮露瀼

瀼。翠旗羽節兮上翱翔。臣拜下風兮肅徬徨。願

沛汪澤兮民多蓋藏。樂作。

皇帝率羣臣行三跪九拜禮。興。樂止。

右送

神

既送

神執事官。以次詣

神位前。奉祝帛。香饌。恭送燎所。如

圜丘之儀。舉望燎樂。奏穀平之章。辭曰。叩首兮天閭。混

茫一氣兮浩無方。炳蕭束帛兮薦馨香。精誠感

格兮降福穰穰。四時順序兮百穀以昌。臣同兆

姓兮咸荷恩光。樂作。恭導

皇帝由

祈年左門出。詣望燎位。望燎贊引奏禮成。引入大次

樂止

右望燎

祈穀禮成。鑾儀衛。依次設龍亭於階下。南向。太常寺卿

率屬恭請

神位奉安亭內以次昇行復

御皇乾殿禮部尙書上香行禮並如奉請之儀

右

神位還御

皇帝既還大次更衣迺出次至

神路西乘禮輿出

西天門

大駕鹵簿前導導迎樂作奏祐平之章辭曰民者邦

本民食迺天爰卜辛日

大君殷薦龍角明祈有年耒耜親天下先前部大樂

畢舉

皇帝回鑾王公從陪祀官退不陪祀王公百官朝服

跪迎如來儀

午門鳴鐘王公隨

駕入至內金水橋恭候

皇帝還宮皆退

右回鑾

大清通禮

卷一

三



龍見

常雩之禮歲以孟夏卽事於

圜丘準冬至大祀儀誓戒

制辭曰某年月日朕恭祀

皇天上帝祇秩常雩惟爾羣臣其蠲迺心齊迺志各揚其職敢或不共國有常刑欽哉勿怠

右戒辭

祝辭曰維某年月日嗣天子<sub>臣</sub>御名敢昭告於

皇天上帝曰<sub>臣</sub>恭承

帝命率育寰區民爲邦本深思稼穡之艱難食迺民天

惟冀雨暘之時若用蠲吉日肅展明禋茲當龍

見之期爰舉祈年之典維皇

上帝鑒茲將享之誠用康兆民咸受明昭之賜俾五風

十雨黍稷維馨九穀三農順成有慶奉

太祖承天廣運聖德神功肇紀立極仁孝睿武端毅欽

安弼文定業高皇帝

太宗應天興國弼德彰武寬溫仁聖睿孝敬敏昭定隆

道顯功文皇帝

世祖體天隆運定統建極英睿欽文顯武大德弘功至  
仁純孝章皇帝

聖祖合天弘運文武睿哲恭儉寬裕孝敬誠信中和功  
德大成仁皇帝

世宗敬天昌運建中表正文武英明寬仁信毅睿聖大  
孝至誠憲皇帝

高宗法天隆運至誠先覺體元立極敷文奮武欽明孝  
慈神聖純皇帝

仁宗受天興運敷化綏猷崇文經武孝恭勤儉端敏英

哲睿皇帝侑

神尙

饗。

右祝辭

祀日迎

帝神樂奏靄平之章辭曰立我烝民兮

神降嘉生雨暘時若兮百穀用成龍見而雩兮先民有

程臣膺

天祚兮敢不祇承念我農兮心倍縈肅明禋兮殫精誠

靈皇皇兮穆以清。金支五色兮罨靄蜺旌。奠玉  
帛。樂奏雲平之章。辭曰。玉帛載陳兮磬管鏘鏘  
爲民請命兮惕弗敢康。令清和兮遂百昌。麥秀  
歧兮禾莠稂。日照九兮時雨滂。俾萬寶兮千斯  
倉。進俎樂奏需平之章。辭曰。越十雨兮越五風  
三光昭明兮嘉氣蒙

天所子兮眇躬。予小子兮凜降豐。紛總總兮賴

皇穹。特牲鴈亨兮達臣衷。初獻樂奏霖平之章。辭曰。酌  
彼兮鬯洗飶芬兮椒香。愧明德兮維馨假黍稷

兮誠將願

大父兮念茲衆子。穆將愉兮綏以豐穰。亞獻樂奏露平  
之章。辭曰。再酌兮醕清。仰在上兮明明。庶來格  
兮鑒誠。曷敢必兮屏營。合萬國兮形精神。承  
神至尊兮思成。終獻樂奏需平之章。辭曰。三酌兮成純  
備物致志兮敬陳多士兮駿奔。靈承無斃兮明  
禋。維蕃釐兮媪神。雨留甘兮良苗懷新。徹饌樂  
奏靈平之章。辭曰。禮將成兮舞已終。徹弗遲兮

畏

神恫願留福兮惠吾農。

神之貺兮協氣融遂及私兮越我公五者來備兮錫用

豐送

帝神樂奏憲平之章辭曰祥風瑞靄兮彌靈壇。

上帝居歆兮風肅然左蒼龍兮右白虎般裔裔兮紉纓

纓仰九閭兮返御介祉釐兮康年望燎樂奏霈

平之章辭曰碧粼粼兮不可度思九奏終兮燿

火哲而。

神光四燭兮休氣夥頤安匪舒兮抑抑威儀。

帝求民莫今日鑒在茲錫福繁祉兮庶徵曰時。

回鑾樂奏祐平之章辭曰炎夏初屆閔我穡夫為民

請命法駕載塗明德馨誠意孚禾稼登斯樂胥

祀日禮儀樂舞並牲幣陳設器數均與冬日至

大祀禮同。

右樂章

大雩之禮孟夏

常雩後不雨既徧祈

天神。

地祇。

太歲。

社稷。三復。仍不雨。迺諏吉。修

大雩禮於

圜丘。

右諏吉

既諏吉。翰林院撰擬祝辭。

或製祝文。親

致齋之日。

禁斷屠宰。祀前一日。

皇帝御常服詣

太和殿。眡祝版。執事官咸常服。太常寺卿率屬入

壇。潔器陳。備脯醢。果實設

皇天上帝神座於

圜丘第一成南向設

四從神位於第二成東西向。

皇帝詣

壇齋宿。常服出宮。乘騎不乘輦。不設鹵簿。不陳樂。前引

後扈大臣侍衛咸常服導從。

午門鳴鐘。不陪祀。王公百官常服跪送。

駕至

南郊。由外垣西門入。至

昭亨門外

神路西。降騎。步行入

壇。恭眠

壇位。上香。行禮。如儀。

右減服御徹樂

前一日。以舉行

大雩禮。遣官祇告

太廟。如常儀。

右祇告

祀日。日出前七刻。

皇帝雨冠素服。步禱於

壇。扈從官暨陪祀執事。各官咸雨冠素服。不燔柴。不進

俎。不飲福受胙。餘樂章樂舞。及玉帛器數。悉與

常雩同。

皇帝行三獻禮畢。復位。北向立。協律郎引舞童十有

六人。衣元衣。執羽翳。進為八列。典儀贊舞童歌

詩贊引奏跪。

皇帝跪。羣臣皆跪。舞童迺舞。皇舞。按節歌。

御製雲漢詩八章。詩曰。瞻彼朱鳥。爰居實沈。協紀辨律。

羽蟲徵音。萬物芸生。有壬有林。有事南郊。陟降維欽。

瞻仰。

昊天。生物為心。

一章。

維國有本。匪民伊何。維民有天。匪食

則那。螻蝻鳴矣。平秩南訛。我祀敢後。我樂維和。鼉鼓

淵淵。童舞娑娑。

二章。

自古在昔。春郊夏雩。日維龍見。田

濁朝趨。盛禮既陳。

神畱以愉。雷師闐闐。飛廉衙衙。日時雨暘。利我斯畜。三章。

於穆

穹宇。在郊之南。對越嚴恭。

上帝是臨。繭粟量幣。用將悃忱。惴惴我躬。肅肅我心。六

事自責。仰彼桑林。

四章。

權輿粒食。實維后稷。百王承之。

永奠邦極。惟予小子。臨民無德。敢懈祈年。潔衷翼翼。

命彼秩宗。古禮是式。

五章。

古禮是式。值茲吉辰。玉磬金

鐘。大羹維醇。元衣八列。舞羽繽紛。既侑

上帝。亦右

從神尚鑒我衷錫我康年。六惟

天可感曰惟誠恪惟農可稔曰惟力作恃天慢人弗刈

弗穫尚勤農哉服田孔樂咨爾保介序乃錢鏹。七我

禮既畢我誠已將風馬電車旋駕九閭山川出雲為

霖澤滂雨公及私興鋤利疇億萬斯年農夫之慶。八

歌畢引退贊引奏拜興

皇帝率羣臣行三拜禮興迺徹饌送

帝神望燎並如

常雩之儀禮畢

皇帝還宮。

午門鳴鐘不陪祀王公百官常服跪迎如初儀。是

並遣官一人分詣方澤行禮

右

大雩行禮

既得雨擇吉遣官詣

圜丘朝服行報祀禮如常儀。並遣官分詣方澤報祀

右報祀

因事祇告

大清通禮

卷一

三



園丘之禮遣親王一人將事及執事官致齋一日豫期

翰林院具祝文隨事撰擬太常寺送內閣恭書奉諸

南郊神庫潔備器陳至日五鼓設

神座幄於

園丘陳鹿脯鹿醢兔醢棗榛葡萄桃實蓮實鑪一鐙六

爵墊一幄南中設一案少西北向供祝版司祝

一人立於案西東面東設一案西向陳告祀制

帛一香盤一尊一冪勺具爵三司香司帛司爵

各一人立於案東西面糾儀御史一人東位西

面一人西位東面太常寺典儀一人立第二成

午階上之東掌燎立燎鑪東南隅雞初鳴遣官

豫埃於香盤官土秋香夫三土鑪香與贊奠於

昭亨門外贊引太常寺贊禮郎二人豫埃於外壝南

右門外均朝服黎明太常寺卿率屬詣

皇穹宇奉請

皇天上帝神位入

壇恭設座上如儀遣官入

昭亨門右門至外壝南右門贊禮郎引入詣

圜丘升西階。至第三成午階上。典儀贊就位。執事官各  
共迺職。贊禮郎引遣官就拜位。北面立。典儀贊  
迎。

神。凡禮儀節次皆典儀唱贊後同。司香奉香。進至案前祇俟。贊禮郎贊

升

壇。引遣官升西階。就香案前立。贊跪。遣官跪。贊上香。司

香跪進香。遣官上炷香。次三上辦香。興。贊復位。

引遣官自西階降。復位立。贊跪。叩。興。凡遣官升

贊皆引。遣官三跪九叩。興。贊行初獻禮。司帛奉

篚。司爵揭尊。冪勺挹酒。實爵。以次進至案前祇  
俟。遣官升

壇詣

神位前。跪。司帛跪奉篚。遣官受篚。拱舉。奠於案。司爵跪

奉爵。遣官受爵。拱舉。奠於墊中。興。贊讀祝。遣官

降自午階之左。至第二成。當階北面。跪。司祝詣

祝案前。跪。三叩。奉祝版跪案左。讀祝畢。興。奉安

神位前。篚內。跪。叩。如初。退。遣官行三叩禮。興。仍降西階

復位。次亞獻。獻爵於左。次三獻。獻爵於右。儀同

贊送

神遣官行三跪九叩禮。興贊奉祝。帛送燎。司祝奉祝。司帛奉篚。皆三叩。司香奉香。以次降午階。遣官避立西旁。俟過復位。贊望燎。遣官降西階。出內壝。南右門。詣燎所望燎。贊禮。郎告禮畢。引由外壝。南右門出。太常寺卿率屬恭請。

上帝神位還御。如儀。各退。

右因事祇告

列聖升配

南郊之禮。

制下。禮部具疏行欽天監諏吉。工部於

昭亨門外。擇潔地。設黃幄。太常寺設香案於幄內。禮

工二部尙書。上香。行三跪九叩禮。工部敬製

升配

神位。既成。諏吉鑄字。內閣翰林官朝服敬書。題字大學

士滿漢各一人。朝服。眡鑄。上香。行禮。如儀。同日

埽青。大學士二人。朝服。祇俟於恭製

神位黃幄前。太常寺官具鑪鐙。大學士入幄右門。詣案

前。上香。行三跪九叩禮。恭眠工部。以青飾

神位題字。畢。禮部尚書詣案前。恭奉

神位。奉安於黃案。上香行禮。如前儀。畢。各退。

升祔

太廟禮成。誨

升配

圜丘吉日。以

聞。飭諸司敬謹供備。入壇。用吉。工將外

右敬製

神位戒辦

眠牲

致齋

書祝版

閱祝版

眠割牲

儀均與冬日  
至大祀同。

前二日。遣官各一人。祇告

天。

地。

宗廟。

社稷如常告儀。

右祇告

前一日太常寺卿率屬潔蠲

壇上下恭設

上帝青幄暨

列聖配幄畢迺恭設

升配青幄寶座几案如儀鑾儀衛設龍亭黃蓋

御仗於

昭亨門外恭製

神位黃幄前是日

皇帝詣

南郊齋宿鑾儀衛陳

大駕鹵簿

午門鳴鐘鼓樂陳而不作不陪祀王公百官朝服

跪送如常儀

駕至

南郊降輿贊引對引官恭導

皇帝詣

皇穹宇。上香。行三跪九拜禮。畢。恭導詣

圓丘。祇胝

壇位。迺導出

昭亨門外。詣恭製

神位黃幄內。上香。行三跪九拜禮。畢。升輿。還

齋宮。

右胝位

屆日昧爽。太常寺卿入

壇陳設祭器。樂部陳樂。縣樂舞。工部官張大次。陪祀。執

事。各官朝服。豫集祇埃。均如大祀儀。禮部太常

寺官十人前引

神位。恭埃於黃幄外。太常寺卿詣

齋宮奏時

皇帝禮服出

齋宮。乘輿。前引大臣十人前導。後扈大臣隨侍。如

儀。

皇帝出廣利門。至

昭亨門右降輿。盥手。鑾儀衛官跪奉盥奉巾。如儀畢。  
贊引對引恭導。

皇帝入黃幄左門。詣

神位前行一跪三拜禮。興進前跪恭奉。

神位興。由中門出奉安。

神位於龍亭。跪三拜。興避立道左。校尉昇亭前列。

御仗黃蓋。禮部太常寺官左右導引。前引大臣十

人贊引對引。太常寺卿二人恭導。

皇帝於亭後行。陪祀王以下內大臣侍衛於

昭亨門左門外跪迎。候過興隨行。龍亭入。

昭亨門左門。百官跪迎於次。候過北面祇立。亭至內

壝左門外止。贊引對引恭導。

皇帝詣亭前跪三拜。興進前跪恭奉。

神位入內壝左門至。

園丘三成階下。

御仗黃蓋退。前引大臣止立。贊引對引恭導。

皇帝升

壇。太常寺司拜褥官豫布。

神位拜褥於正中布

皇帝拜褥於稍後贊引跪奏

廟謚皇帝祇見

皇天上帝。

皇帝恭奉

神位跪安於拜席退就拜位贊引奏拜興。

皇帝三跪九拜恭代行祇見禮畢贊引跪奏請

升座。

皇帝進前跪恭奉

神位興司拜褥官徹

神位拜褥。

皇帝詣

配幄前跪奉安

神位於寶座退至幄外香案前贊引奏拜興。

皇帝行一跪三拜禮贊引對引恭導

皇帝詣三成拜位立迺行大祀禮儀節均與冬至

同祀畢恭導

皇帝出



昭亨門左門乘輿還宮。

大駕鹵簿前導樂陳而不作。不陪祀王公百官。祇候迎。

駕如前儀。太常寺官恭請

神位御

皇穹宇。上香行禮。均如

郊祀儀。翼日。

頒詔。布告天下。儀詳嘉禮。

右禮成

升配

圜丘禮成。恭遇孟春上辛吉日。秩祀

祈穀壇。迺奉

神位配饗

祈年殿。祀前諸儀並同

圜丘。豫日有司恭設

升配寶座於

祈年殿。屆日設龍亭黃蓋。

御仗於恭製

神位黃幄前導引如儀。

皇帝恭奉

神位由左階升入

祈年殿左門奉安於

寶座不再行祇見禮餘儀節均與上辛

祈穀同。

右

升配

祈穀壇

大清通禮卷之二

吉禮

北郊

夏日至大祭

地於

方澤之禮先祭期五日遣親王一人詣犧牲所恭代

牲儀與祀

南郊禮同

右祗牲

先三日

皇帝致齋於大內。頒

制辭於羣臣曰。某年月日夏至。朕恭祭

皇地祇於

方澤。惟爾羣臣。其蠲迺心。齊迺志。各揚其職。敢或不共。

國有常刑。欽哉勿怠。陪祀王公百官。敬書誓

命。各齋於公署。如祀

南郊儀。

大齋戒右齋戒

省牲

書祝版

眡割牲 儀均與南郊祀同。

先一日五鼓。太常寺卿率屬潔蠲

壇上下。藉以稷薦。設

皇地祇神座於

方澤第一成。居中北向。

太祖高皇帝東配。西向。

太宗文皇帝西配。東向。次

世祖章皇帝東配西向。

聖祖仁皇帝西配東向。又次。

世宗憲皇帝東配西向。

高宗純皇帝西配東向。又次。

仁宗睿皇帝東配西向。

四從神於第二成。

五嶽東。

啓運。

隆業。

永寧三山從之。

五鎮西。

天柱。

昌瑞二山從之。

四海在。

五嶽之次。

四瀆在。

五鎮之次。均施黃幄。工部官張。

皇帝拜次於第二成子階上。張大次於外壇北門外。

神路之東。太常寺典簿陳牲俎於

神廚。博士辨簠。簋。籩。豆。登。鉶之實。以次展器於

神庫。

右設

神座。幄供張。展牲器

其日昧爽。太常寺設黃案於

中和殿中

御座之南。太常寺卿祇候贊事殿內。司祝由內閣奉

祝版。暫奉於

太和殿內。初昕。太常寺卿率欽天監博士至

乾清門奏時。

皇帝龍袍袞服。如在宮內乘輿出宮。至

中和殿後降輿。

御殿立左楹前。西向。記注官四人。於殿右門夾楹內

外立。東面。司祝由

太和殿奉祝版。前列提鑪二。太常寺贊禮郎十人

引至

中和殿外階下止。司祝奉祝版。由中階進殿中門。

大清通禮 卷二  
陳於案。三叩興退。太常寺卿展祝文。贊禮郎布拜褥。

皇帝詣案前。恭閱畢。行一跪三拜禮。興復位立。太常寺卿韜祝版。有司徹拜褥。司祝進至案前。三叩。恭奉祝版。興由殿中門出。太常寺卿跪奏禮成。皇帝還宮。太常寺官送祝版至。

北郊奉安

神庫內。是日。恭進齋戒牌銅人於齋宮。徹。

乾清門齋戒牌銅人。如在宮內齋宿。則乾清門齋戒牌銅人仍設。祭日。太常寺官恭如祀。

南郊儀

右闕祝版

厥明。步軍統領飭所部。清蹕除道。自

東華門至

北郊。鑾儀衛官校陳設

法駕鹵簿。前列導象四。民尉二十有八人。次寶象五。民尉八十人。雲麾使一人。治儀正二人。次靜鞭。

大清通志 卷二 五  
四。民尉十有四人。治儀正一人。次前部大樂。大銅角四。小銅角四。金口角四。和聲署史十有二人。次革輅駕馬四。民尉三十有二人。木輅駕馬六。民尉三十有二人。象輅駕馬八。民尉三十有四人。金輅駕象一。民尉四十有四人。玉輅駕象一。民尉四十有四人。雲麾使一人。治儀正二人。次。饒歌大樂。大銅角八。小銅角八。金鉦四。角二十有四。龍鼓二十有四。龍遂十有二。拍板四。仗鼓四。金二。龍鼓二十有四。紅鐙六。署史四十有

八人。民尉百八十有八人。冠軍使一人。整儀尉二人。次。引仗六。

御仗六。吾仗六。立瓜。卧瓜。各六。星。鉞。各六。出警。入蹕。旗。各一。民尉六十有七人。五色金龍小旗二十。民尉四十人。雲麾使一人。整儀尉二人。次。翠華旗二。金鼓旗二。門旗八。日月旗各一。五雲旗五。五雷旗五。八風旗八。甘雨旗四。民尉七十有二人。列宿旗二十有八。五星旗五。五嶽旗五。四瀆旗四。神武。朱雀。青龍。白虎旗各一。民尉九十

有二人。天馬。天鹿。辟邪。犀牛。赤熊。黃羆。白澤。角  
端。遊麟。彩獅。振鷺。鳴鳶。赤鳥。華蟲。黃鵠。白雉。雲  
鶴。孔雀。儀鳳。翔鸞。旗各一。民尉四十人。次五色  
龍纛二十。次前鋒纛八。護軍纛八。驍騎纛二十  
有四。民尉百二十人。雲麾使二人。治儀正二人。  
整儀尉二人。次黃麾四。儀鎧。金節四。進善  
納言。敷文。振武。褒功。懷遠。行慶。施惠。明刑。弼教。  
教孝。表節。旌各二。民尉五十有六人。龍頭旛四。  
豹尾旛四。絳引旛四。信旛四。羽葆幢四。霓幢四。

紫幢四。長壽幢四。民尉六十有四人。雲麾使二  
人。治儀正二人。整儀尉二人。次鸞鳳赤方扇八。  
雉尾扇八。孔雀扇八。單龍赤團扇八。單龍黃團  
扇八。雙龍赤團扇八。雙龍黃團扇八。壽字黃扇  
八。民尉百二十有八人。雲麾使一人。治儀正二  
人。整儀尉二人。次赤素方繖四。紫素方繖四。五  
色花繖十。間以五色九龍繖十。民尉八十有四  
人。九龍黃蓋十。紫芝蓋二。翠華蓋二。九龍曲柄  
黃蓋四。民尉八十有四人。鑾儀使一人。雲麾使



一人治儀正二人整儀尉二人次戟四親軍八  
人及四親軍八人豹尾槍二十護軍四十弓矢  
二十儀刀二十親軍各四十人雲麾使一人治  
儀正二人整儀尉四人次仗馬十護軍二十人  
冠軍使雲麾使二人次金方几一金交倚一金  
瓶二金盃盤一金盃一金合二金鑪二拂二立  
陳列處暑收旗尉二十有二人雲麾使一人治儀正  
二人次九龍曲柄黃華蓋一執蓋武備院掌蓋  
司蓋四人前引佩刀大臣十人提鑪二執鑪侍

衛二人金輦在中左右奉輦鑾儀使二人扶輦  
冠軍使一人雲麾使一人治儀正二人整儀尉  
二人旗尉二十有八人後扈佩刀大臣二人豹  
尾班執槍佩儀刀侍衛各十人佩弓矢侍衛十  
人領侍衛內大臣一人侍衛班領二人後管宗  
人府王公二人散秩大臣一人前鋒護軍統領  
一人給事中御史二人各部郎中員外郎四人  
侍衛班領一人署侍衛班領一人侍衛什長二  
人次黃龍大纛二領侍衛內大臣一人內大臣  
散秩大

臣並司燹侍衛什長二人。建燹親軍四人。佩鳴

螺親軍六人。凡職事官均采服。親軍護軍旗尉

民尉各服其服。不陪祀。王以下公以上。滿漢文

武百官朝服咸會。祇候送

駕。如儀。已刻。太常寺卿赴

乾清門奏請詣

北郊齋宿

皇帝龍袍衮服乘禮輿出宮

如在宮內齋宿則祭日出前六刻太常寺

卿赴乾清門奏時皇帝御祭服乘禮輿出宮至

太和門階下。降輿。鑾儀衛進金輦。掌鑾儀衛內大

臣一人跪奏請

皇帝升輦。鑾儀使二人奉輦。扶輦官四人。納陛於輦

前正中。

皇帝乘輦。駕士三十二人。舉輦。

駕發警蹕。鑾儀使二人。率官校夾輦而趨。

午門鳴鐘鼓。

皇帝由協和門。東華門。出。導迎樂前引。不作。左右塗

巷。皆設布障。護軍統領。步軍統領。率弁校。辟除

南郊儀

如詣

右鑾輿出宮

駕至

北郊由外垣西門入至

方澤北門外掌鑾儀衛內大臣一人跪奏請

皇帝降輦奉輦納陛如儀前引大臣十人右贊引左

對引太常寺卿二人恭導

皇帝由外墻北右門至

皇祇室詣

皇地祇香案前立司香太常寺少卿一人跪進香

皇帝跪受香拱舉仍授司香與三上香畢以次詣

列聖前上香如儀贊禮郎布拜褥

皇帝行三跪九拜禮兩廡

從位遣分獻官上香行禮

皇帝詣

方澤升子階第一成恭胝

皇地祇位

列聖配位。贊引官以次跪奏。畢。暨對引官恭導。

皇帝由內壝西右門詣

神庫。恭眠。籩豆。贊引跪奏。如前儀。遂遣官並眠牲  
牢。畢。

皇帝由內壝北右門出。至

神路西。升輦。詣

齋宮。從祀王公百官采服。分班祇候。

皇帝降輦。乘禮輿。入宮。迺退。隨

壇齋宿。如祀

南郊之儀。

右眠位。眠牲器齋宿

將事之夕。夜分。太常寺卿率官屬入

壇。然炬明鐙。具器陳於案。各以其序。第一成

皇地祇幄。犢一。登一。簋二。籩二。籩十有二。豆十有二。金

鑪一。黃鐙。金鐙。各二。爵墊一。

列聖幄。皆犢一。登一。簋籩各二。籩豆各十有二。金鑪一。

黃鐙。金鐙。各二。爵墊一。幄北。中設一案。少西南

向。供祝版。西設一案。東向。陳黃琮一。郊祀制帛

一。色黃。奉先制帛三。色白。香盤四。尊四。匏爵十有二。壺一。實福酒。盤一。實胙肉。東設一案。西向。陳奉先制帛四。色白。香盤四。尊四。匏爵十有二。凡牲。陳於俎。凡玉。帛。實於篚。凡尊。實酒。承以舟。疏布。冪勺具。第二成。

四從神幄。皆牛一。羊一。豕一。豈一。銅簠簋各二。邊豆

各十。琖三十。鑪一。鐙四。各設一案。陳禮神制帛

各一。嶽鎮。色用青。赤。黃。白。黑。五山。色

色用白。尊一。爵二。香盤一。俎。篚。勺。冪具。鑿儀衛冠

色用黑。

軍使。設洗於外壝。右門外。大次。樂部。率太常寺協律郎。設中和韶樂於二成階下。金。編鐘。在西。玉。特磬。編磬。在東。西。應鼓一。祝一。麾一。東。敵一。琴。瑟。笙。簫。遂。墳。簾。搏拊。旌。節。及羽。籥。干。戚。之屬。東西依數分列。均與

南郊禮同。

右陳設

陳設畢。禮部侍郎一人。由東階升。第一成。太常寺博士。前引詣

皇地祇位前。省眠。玉帛齋盛及登俎。籩豆之實。以次詣列聖位前。省眠畢。仍由東階降。至第二成。從神位前。周眠。如儀。

右省齋

辨行禮位。第一成。子階上。爲讀祝受福胙。

皇帝拜位。第二成。黃幄次。爲

皇帝行禮拜位。南向。第二成階下。爲陪祀王。貝勒。貝子。公。拜位。左翼東位。西上。右翼西位。東上。庭中夾

神道東西。爲分獻官拜位。外壝門外。爲陪祀百官拜位。文五品。武四品官以上。東西各五班。均面南。重行異等。西位東上。東位西上。辨執事位。第一成。太常寺官二人。立子階上。皇帝拜位前。一司拜牌。一司拜褥。均東面。司祝一人。立祝案西。東面。司香四人。司玉帛一人。司帛三人。司爵四人。序立西案之西。東面。司香四人。司帛四人。司爵四人。序立東案之東。西面。光祿寺卿二人。立西司香之後。侍衛二人。立東司香之

後太常寺贊賜福胙一人立西司爵之次均南  
上侍儀禮部尙書一人侍郎一人立東案之北  
西面都察院左都御史一人副都御史一人樂  
部典樂一人立西案之北東面均南上第一成  
階下太常寺典儀一人西立東面第二成司拜  
牌拜褥官各一人於黃幄次均西立東向與第  
一成子階同第二成階下記注官四人東立西  
面引王公行禮鴻臚寺官二人糾儀御史四人  
禮部祠祭司官二人分立拜位左右均東西面

司樂協律郎樂工序立東西樂縣之次歌工立  
樂工之次樂舞生文武八佾分行序立西在歌  
工之右東在歌工之左皆西列東上東列西上  
太常寺傳贊四人二人循內壝墻立二人循外  
壝墻立外壝門外糾儀御史四人禮部祠祭司  
官四人分立從祀百官之次鴻臚寺序班東西  
各一人立於糾儀官之次稍後均東西面掌瘞  
官一人率瘞人立於瘞坎之西北隅

右辨位

祀日日出前七刻司祝詣

神庫恭請祝版設於祝案跪叩如儀禮部尚書一

人率太常寺卿屬恭請

神位鑾儀衛官校豫設鳳亭一於

皇祇室階下正中北向又設龍亭七於左右稍後均北

向又設龍亭四於北稍後均東西向至時太常

寺官啓

神龕禮部尚書詣

皇祇室各香案前上香行禮如儀太常寺卿率屬分詣

皇祇室及

從神位前各行一跪三叩禮先請

四從神位奉至丹墀東西向次請

列聖神位於殿內東西向俟請

皇地祇神位北向先行迺奉

列聖神位以從既出殿迺奉

四從神位以從依次奉安亭內跪叩如初校尉昇亭

太常寺官十人前引禮部尚書從由

方澤南門入至子階亭止



皇地祇居中。

列聖左右。稍後。均北向。

從神位。再後。東西向。太常寺官詣各亭前。跪。三叩。興。

恭請

皇地祇

列聖神位。升子階。詣第一成。

四從神位。升東西階。詣第二成。以次奉安於

神座。各行一跪三叩禮。退。

右請

神位

太常寺卿赴

齋宮。奏請詣

壇行禮。

皇帝御祭服乘禮輿。出

齋宮。鑾儀使進金輦於

齋宮門外。納陛。奉輦。如儀。

皇帝升輦。鑾儀衛校。鳴

齋宮鐘。前引。後扈。如儀。

皇帝至外壇門外

神路西降輦。右贊引左對引。大常寺卿二人恭導。皇帝詣大次。少候。太常寺贊禮郎引分獻官於外壇左門外序立。鴻臚寺官引陪祀王公於外壇門外侍衛後。百官於行禮位後。按翼東西序立。祇候。太常寺卿告奉安。

神位畢。奏請行禮。

皇帝出大次。鑾儀衛官跪奉盥奉巾。如儀。盥畢。司拜褥官。豫布拜褥於第二成拜次。退。贊引對引官。

恭導

皇帝由外壇北右門入。升子階。就第二成拜位。司拜牌官安拜牌。退。侍衛至內壇門外。前引內大臣。執鑪鐙官。至第二成階下。均止立。後扈大臣隨侍。凡升壇。隨侍均同。鴻臚寺官引階下王公。咸就拜位立。太常寺贊禮郎引分獻官入內壇左門。至分獻拜位立。鴻臚寺官引文武百官。均就拜位。序立。典儀贊樂舞生登歌。執事官各共迺職。武舞執干戚進。贊引奏就位。

皇帝就拜位立。

右就次盥洗就位

皇帝既就位。典儀贊瘞毛血迎。

神司樂贊舉迎

神樂奏中平之章。辭曰。吉蠲兮玉宇開。薰風兮自南來。

鳳馭紛兮後先。嶽瀆靄兮徘徊。肅展禮兮報功。

沛靈澤兮九垓。協律郎舉麾。工鼓祝。樂作贊引。

奏跪拜興。

皇帝行三跪九拜禮。傳贊贊跪叩興。王公百官均隨。

神

行禮。凡衆官行禮。均傳贊後同。協律郎偃麾。工夏啟。樂止。凡

以舉麾。鼓祝作。以偃麾。夏啟。止後同。

右迎

典儀贊奠玉帛。左右司香奉香盤。以次進香案。

前恭候。左司玉帛官。暨司帛官。由西案奉篚。右

司帛官。由東案奉篚。以次進至。

神位前恭候。司樂贊舉奠玉帛樂。奏廣平之章。辭曰。式

時吉土兮中壇。愆我郊兆兮孔安。辟公趨蹌兮

就列。考鐘。伐鼓兮舞干。黃琮織縞兮既奠。靈光  
下燭兮誠丹。樂作。司拜牌官起拜牌。凡升壇皆先  
起拜牌。贊引奏升。後同。

壇暨對引官恭導

皇帝詣第一成對引官至北階上止立。凡升壇行禮皆同。

贊引恭導

皇帝詣

皇地祇香案前司香跪贊引奏跪。

皇帝跪奏上香。司香進香。

皇帝上炷香。次三上瓣香。興贊引恭導

皇帝詣

皇地祇位前司玉帛官跪贊引奏跪。

皇帝跪奏奠玉帛。司玉帛官進篚。

皇帝受篚拱舉奠於案。興以次詣

列聖位前。上香。獻帛儀同。贊引奏復位。暨對引官恭導

皇帝復第二成拜位立。司拜牌官安拜牌。凡復位則安拜牌後

同樂止

右奠玉帛

皇帝既奠玉帛。典儀贊進俎。司拜牌官起拜牌。退贊引對引恭導。

皇帝轉立拜位東旁。西向。司拜褥官起拜褥。太常寺官引分獻官。鴻臚寺官引王公。各退避。東西面立。有司貯羹於壺。恭執。太常寺官二人引至壇階下止立。執壺官升子階。以次登。

壇過幄次。仍布拜褥。恭導。

皇帝復位。王公及分獻官皆引復位。執壺官詣

皇地祇

列聖位前。跪拱舉。興以羹沃俎者三。退由西階降。司樂

贊舉進俎。樂奏含平之章。辭曰。禮行樂奏兮未央。嘉肴有踐兮大房。牲牲告歆兮惟恪。民力普存兮肅將。厚載資生兮無外。几筵來格兮洋洋。樂作。贊引奏升。

壇恭導

皇帝升第一成。詣

皇地祇位前立。贊引奏跪。

皇帝跪。奏進俎。

皇帝拱舉進俎興以次詣

列聖位前進俎儀同贊引奏復位恭導

皇帝復二成拜位立樂止

右進俎

典儀贊行初獻禮有司揭尊冪勺挹酒實爵左  
右司爵執爵以次進至各

神案前恭俟司樂贊舉初獻樂奏大平之章辭曰醴齊

融冶兮信芳博碩升庖兮鼎方清風穆穆兮休

氣翔

神明和樂兮舉初觴洽百禮兮禋祀罄九土兮豐穰樂

作司樂舉節舞干戚之舞凡舞以節領之贊引

奏升

壇恭導

皇帝詣第一成

皇地祇位前司爵跪贊引奏跪

皇帝跪奏獻爵司爵進爵

皇帝受爵奠於墊中興第一成司拜褥拜牌官布拜

褥安拜牌贊引奏詣讀祝位

皇帝詣讀祝拜位立。司祝至祝案前跪。三叩興。奉祝

版跪案左。樂暫止。贊引奏跪。司祝讀祝。辭曰。維某

皇帝跪。羣臣皆跪。贊引贊讀祝。司祝讀祝。辭曰。維某

年月日嗣天子臣御名敢昭告於

后土皇地祇曰。時當夏至。羣物方亨。生長發育。有生成

賴。功德至厚。上配

皇天。謹以玉帛牲醴。齋盛庶品。用將祇祭。奉

太祖承天廣運聖德神功肇紀立極仁孝睿武端毅欽

安弼文定業高皇帝

太宗應天興國弘德彰武寬溫仁聖睿孝敬敏昭定隆

道顯功文皇帝

世祖體天隆運定統建極英睿欽文顯武大德弘功至

仁純孝章皇帝

聖祖合天弘運文武睿哲恭儉寬裕孝敬誠信中和功

德大成仁皇帝

世宗敬天昌運建中表正文武英明寬仁信毅睿聖大

孝至誠憲皇帝

高宗法天隆運至誠先覺體元立極敷文奮武欽明孝

慈神聖純皇帝  
仁宗受天興運敷化綏猷崇文經武孝恭勤儉端敏英  
哲睿皇帝配尚饗  
讀畢興奉祝版跪安

皇地祇位前篚內三叩興退樂作贊引奏拜興

皇帝率羣臣行三拜禮興起拜褥徹拜牌贊引恭導

詣

列聖位前以次獻爵儀同贊禮郎引

從神位分獻官由東西階升詣各

神位前。上香。獻帛。獻爵。畢。贊引奏復位恭導

皇帝復第二成拜位立分獻官咸降階退各復拜位

立樂止武功之舞退。文舞執羽籥進。

右初獻讀祝

典儀贊行亞獻禮。司爵執爵以進。司樂贊舉亞

獻樂。奏安平之章。辭曰。一茅三脊兮縮漿。山壘

雲冪兮馨香。介黍稷兮芳旨。再滌犧尊兮敬將

樂成。八變兮綴兆儼

皇祇兮悅康。樂作。舞羽籥之舞。贊引奏升



壇恭導

皇帝升第一成以次奠爵於左儀如初獻贊引奏復

位

皇帝復第二成拜位立樂止

典右亞獻

典儀贊行終獻禮司爵執爵以進司樂贊舉終

獻樂奏時平之章辭曰紫壇兮嘉氣盈旨酒思

柔兮和且平凜茲陟降兮心屏營禮成三獻兮

薦玉觥含宏光大兮德厚靈佑丕基兮永清樂

作舞與亞贊引奏升

獻同

壇恭導

皇帝升第一成以次奠爵於右儀如亞獻贊引奏復

位恭導

皇帝復第二成拜位立每獻分獻官詣

從神位獻爵升降均如初樂止文德之舞退

右終獻

既終獻贊禮郎一人詣祝案前東面立贊

賜福胙光祿寺卿就西案奉福胙至

皇地祇位前拱舉退布拜褥安拜牌如讀祝儀贊引奏

詣飲福受胙位恭導

皇帝詣第一成飲福受胙位立光祿寺卿二人奉福

胙祇立

皇帝拜位之右侍衛二人進立於左贊引奏跪

皇帝跪左右官皆跪奏飲福酒右官進福酒

皇帝受爵拱舉授左官奏受胙右官進胙

皇帝受胙拱舉授左官贊引奏拜興

皇帝三拜興贊引奏復位恭導

皇帝復第二成拜位立贊引奏跪拜興

皇帝率羣臣行三跪九拜禮興典儀贊徹饌司樂贊

舉徹饌樂奏貞平之章辭曰玉俎列兮庶品該

黃琮告徹兮雲翔徊晏陰定兮曦景回南訛秩

今日恢台肅惟昭明兮孔邇覃博厚兮奠九垓

樂作司玉帛官詣

皇地祇位前跪叩興奉黃琮以退樂止

右受福胙徹饌

典儀贊送

神司樂贊舉送

神樂奏順平之章辭曰靈旗兮雲路遵飛龍翼兮逡巡

陰儀粹兮德純眷四海兮無塵配

皇穹兮兩大綏下土兮烝民樂作贊引奏跪拜興

皇帝率羣臣行三跪九拜禮興樂暫止

右送

神

典儀贊奉祝帛香饌恭送瘞位司祝司帛詣

神位前咸跪司祝奉祝司帛奉篚皆三叩興司香跪奉

香司爵跪奉饌興以次恭送瘞所左右執事官

奉

列聖位前帛饌香恭送燎所

皇帝轉立拜位東旁西向起拜褥分獻官王公 蒞祝

帛過仍布拜褥

皇帝復位立

從位香帛饌仍由東西階降送瘞所典儀贊望瘞樂

作樂章樂辭均與神同贊引奏詣望瘞位恭導

皇帝由內壝右門出詣望瘞位望瘞分獻官各詣東

西門外望瘞。贊引奏禮成。恭導

皇帝入大次。樂止。

右望瘞

大祭禮成。鑾儀衛官率校尉設鳳亭一。於

方澤子階下正中。龍亭七。於左右稍後。均北向。龍亭四

於兩旁。東西向。太常寺卿率屬升

壇詣各

神位前。跪三叩。興。恭請奉安亭內。跪叩如初。鑾儀校昇

亭依次行至

皇祇室。

皇地祇居中。

列聖左右。均南向。

從神位東西相向。以次復

御禮部尙書。上香行禮。儀並與請

神同。

右

神位還御

皇帝既還大次。更衣至外壇

神路西乘禮輿出

西天門外

法駕鹵簿前導導迎樂作奏祐平之章辭曰墮爾而

靜持載廣生長至修祀聿來光景富媪愉元德

升嶽瀆安民物亨

皇帝回鑾王公從各官以次退不陪祀王公百官仍

朝服祇候

駕至跪迎

午門鳴鐘樂止王公隨

駕入至內金水橋恭候

皇帝還宮皆退太常寺官徹

齋宮齋戒牌銅人送寺

右回鑾

因事祇告

方澤之禮遣親王一人將事及執事官致齋一日有司

具祝文潔備器陳設

神座幄於

壇上陳脯醢果實鑪鐙爵墊幄北中設一案少西南向

供祝版西設一案。東向。陳尊爵香帛。與祇告同。圜丘禮同。司香司帛司爵司祝各一人。立西案西。東面。糾儀御史一人。東位西面。一人西位東面。太常寺典儀二人。立第一成子階下。東面。掌瘞立瘞。坎西北隅。雞初鳴。遣官豫埃於

方澤北門外。贊引太常寺贊禮郎二人。豫埃於外壝北左門外。均朝服。太常寺卿率屬詣

皇祇室奉請

皇地祇神位入

壇。恭設座上。如儀。遣官入自北門左門。至外壝北左門。贊禮郎引入詣

方澤子階下。典儀贊就位。執事官各共迺職。贊禮郎引遣官就拜位立。典儀贊迎

神。凡禮儀節次。皆典儀唱贊。後同。贊禮郎贊跪。叩。與遣官行三跪九叩

禮。與贊初獻。司香奉香。司帛奉帛。司爵奉爵。以次進至案前。祇埃。贊禮郎贊升

壇。引遣官升西階。就香案前。凡遣官升降行禮。皆贊。皆引。後同。跪。上香。以次詣

神位前跪奠帛奠爵如儀興贊讀祝遣官降子階之右至第二成當階面南跪司祝讀祝如儀退遣官行三叩禮興仍降西階復位亞獻終獻暨送

神望瘞並與祇告

南郊同禮畢引遣官由外壝北左門出太常寺卿率屬

恭請

皇地祇神位還御如儀各退

右因事祇告

列聖升配

北郊之禮

制下禮部具疏行欽天監諏吉工部於

方澤北門外張黃幄敬製

升配

神位禮工二部尙書上香行三跪九叩禮既成內閣翰

林官朝服書字大學士滿漢各一人朝服眠鐫

上香行禮恭眠工部以青飾

神位題字畢禮部尙書奉安

神位各如儀

南郊迺諏

升配吉日以

聞徧布諸司供備。

右敬製

神位戒辦

致齋

眠牲

書祝版

閱祝版

眠割牲

均如

南郊  
升配儀。

前二日遣官各一人祇告

天

地

宗廟。

社稷如常告儀。

右祇告

前一日有司豫設

升配黃幄於

壇上鑾儀衛陳



法駕鹵簿。設龍亭。黃蓋。

御仗於恭製

神位黃幄前。

皇帝詣

北郊齋宿

如在

皇祇室上香。祇眠

雍和宮齋宿。是日先詣壇位。並至

神牌黃幄內行禮。畢

駕詣雍和宮。是日先詣

皇祇室上香行禮祇眠

壇位畢詣恭製

神位黃幄內上香行禮。並如儀

詳

升南郊配。屆日所

司入

壇陳設

皇帝躬詣恭製

神位黃幄內奉請

神位祇見

皇地祇。恭代行禮。迺奉安

神位於配幄。率羣臣行大祀禮。禮成還宮。太常寺官恭

請

神位御

皇祇室均如

南郊

升配儀

右

升配

